



Bosna i Hercegovina
Federacija Bosne i Hercegovine
Kanton Sarajevo - Grad Sarajevo
OPĆINA CENTAR SARAJEVO
Općinski načelnik

Na osnovu člana 69. Statuta Općine Centar – prečišćeni tekst („Službene novine Kantona Sarajevo“, broj 23/04), člana 7. Odluke o kriterijima i načinu raspodjele novčanih sredstava za dodjelu jednokratne novčane pomoći boračkoj populaciji („Službene novine Kantona Sarajevo“, broj: 6/22), Općinski načelnik raspisuje:

JAVNI POZIV
za dodjelu jednokratne novčane pomoći boračkoj populaciji u 2023. godini

1. Pravo prijave za dodjelu jednokratne novčane pomoći imaju sva lica koja imaju priznat status:

1. Borca/branitelja Bosne i Hercegovine;
2. Ratnih vojnih invalida i njihovih porodica;
3. Članova porodica šehida i poginulih i nestalih boraca/branitelja i umrlih ratnih vojnih invalida;
4. Organizatora otpora;
5. Veterana/prvoboraca;
6. Članova porodica umrlih demobilisanih boraca;
7. Sa borcima-braniteljima, u smislu ove Odluke, izjednačeni su u pravima učesnici narodnooslobodilačkog antifašističkog rata 1941- 1945. godine, čiji je status utvrđen rješenjem nadležnog organa.

Uslov za dodjelu jednokratne novčane pomoći je da lice koje podnosi zahtjev ima prebivalište na području Općine Centar Sarajevo, da primanja ne prelaze iznos najmanje penzije u FBiH po članu domaćinstva, te da ispunjava kriterije utvrđene Odlukom o kriterijima i načinu raspodjele novčanih sredstava za dodjelu jednokratne novčane pomoći boračkoj populaciji. Sredstva za jednokratnu novčanu pomoć su planirana Budžetom Općine Centar Sarajevo za 2023. godinu. Na prijavi/zahtjevu za dodjelu jednokratne novčane pomoći, je naznačena sva potrebna dokumentacija koju treba dostaviti uz prijavu/zahtjev. Zahtjev za dodjelu jednokratne novčane pomoći može se preuzeti na web stranici: www.centar.ba ili lično, na info - pultu u Općini Centar Sarajevo.

Prijave sa kompletnom dokumentacijom podnose se na protokolu Općine Centar Sarajevo, svakim radnim danom od 07.30 do 16.00 sati, ili putem pošte na adresu: Općina Centar Sarajevo, Služba za boračko invalidsku i socijalnu zaštitu- Odsjek za boračko invalidsku zaštitu, ulica Miss Irbina broj 1. Javni poziv je objavljen na web stranici i oglasnim pločama svih mjesnih zajednica Općine Centar Sarajevo.

Prijave/zahtjevi se podnose tokom tekuće godine od dana objavljivanja Javnog poziva, a Komisija za boračka pitanja će pristigle prijave/zahtjeve razmatrati svakog mjeseca. Zahtjevi za dodjelu jednokratne novčane pomoći podneseni prije objave Javnog poziva (koji nisu obrađeni od strane Komisije za boračka pitanja), smatraće se da su podneseni blagovremeno.

Napomena: Sve dodatne informacije mogu se dobiti u Službi za boračko invalidsku i socijalnu zaštitu - Odsjek za boračko invalidsku zaštitu Općine Centar Sarajevo, soba 24/prizemlje ili na broj telefona: 033/562-454.